

# Athör tueᅇ cī Joon göt

## Wet nom

Athör tueᅇ cī Joon göt ala yic wël dīt karou kek ke get yen athöör, tueᅇ ë wet bī yen kōc rieel puōth bīk aa rëer ë tōk kek Nhialic ku Wēnde Jethu Krītho. Ku det, ee wic Joon bī kōc cī gam cōl atīr nhīim piōoc ë lueth bī gam kēnē rac. Piōoc kēnē acie rōm kek kāk ë Jethu Wēn ë Nhialic. Kuec ë piōoc kēnē, yen acī Joon ᅇiec teet yic lōn Jethu Krītho ë ye raan ayic, ku acī nyooth lōn raan cī Jethu gam ku nhieer Nhialic, ka dhil kōc nhiaar ëbēn.

## Kāk tō thin

Wet Nom 1:1-4

Nhialic ee Ruel 1:5-2:29

Mīth Nhialic ku mīth jōᅇrac 3:1-24

Yic ku lueth 4:1-6

Kāk ye looi rin ë nhiēr 4:7-21

Gam ril apei 5:1-21

## Wet ë Pir

**1**<sup>1</sup>Wek aa gāt wet raan yen cī Wet Nhialic lek kōc, ku yen cī kōc gām pīr akōlriēc ëbēn. Yen ë tō thin theer kēc kēriēc ëbēn cak. Ku ëmēn yok aacī welke piᅇ, ku yeen acuk tiᅇ nyienkua. Acuk tiᅇ, kāk cī looi aa cuk tiᅇ ku acuk gōot cienkua. <sup>2</sup>Acī Nhialic cōl aye raan. Acuk tiᅇ ku wek aa lēkku yic cuk tiᅇ. Alēkku we lōn raan kēnē yen ë pīr akōlriēc ëbēn yiēk kōc, ee tō thin wātheer ku yeen ë reer kek Nhialic Wāda, ku acī Nhialic nyuōth yo. <sup>3</sup>Kēya, raan cuk tiᅇ ku piᅇku welke, yen ë raan lēkku we, rin bāk rōt māt yo aya bāk la gam tōk kek yo. Ku gamda yodhie atō tēnē Wun ku Wēnde Jethu Krītho. <sup>4</sup>Wek aa gāt kākā rin bāk rōt māt yo gamda yic rin bī miet piānda dīt apei.

## Nhialic ee Ruel

<sup>5</sup>Ku wet cī Jethu lek yo ku yen lēkku we ëmēn akīn. Nhialic apath, ala guōp wic, acit ruel, ku acin acuol. <sup>6</sup>Na yeku lueel lōn cī yok rōt māt tēnē Nhialic ku ᅇot yo ye luui kārēc, ke wet luelku acie yic. Ku aye kākkuan yeku ke looi nyuōth lōn cī yok kuec yiny Nhialic. <sup>7</sup>Ku na yeku luui kāk wic, ke yok aatō ruel yic cimēn tō Nhialic ruel yic, ke yook aabī yoyiic mat, ku thon Wēnde Jethu abā adumuōōmkua laak wei ëbēn yogup.

<sup>8</sup>Na yeku lueel lōn yok acin gup adumuōōm, ke meth yen aye yok rōt math, ku yook aa kuc yiny cī Nhialic nyuōth yo. <sup>9</sup>Ku na lēkku Nhialic lōn cī yok kārēc looi, ka pel kārēc cuk looi piny ku wuuny ke wei yogup buk ben aa kōc path tēnē ye, rin acī lueel lōn bī yen kārēckua aa pāl piny, rin kē ye lueel aye dhiel looi akōlakōl. <sup>10</sup>Ku na luelku lōn kēc yok adumuōōm looi, ka yeku lueel lōn ë Nhialic yen ë lueth lueel, ku yook aa kēc wetde gam.

## Raan cī lōc ku dōc ë yo kony

**2**<sup>1</sup>Wet gāt yen we athöör miethkie, ee wet bāk kārēc cī ye looi. Ku na le raan lui kārēc kamkun, ke yok aala raan Nhialic thiēc ë rienkua bī kārēckua pāl piny. Raan kēnē ë Jethu Krītho cīn kē dak yeguōp ë Nhialic nyin. <sup>2</sup>Yen ë raan cī thou rin bī adumuōōmkua pāl piny. Aacie adumuōōmkua ë rōt kek ye Nhialic ke pāl piny ë wetde, aaye ke pāl piny agut adumuōōm kōc pinynhom ëbēn aya.

<sup>3</sup>Dhēl ye nyuōth lōn ᅇic yok Nhialic ayic, ee wet nadē ke yo thek lōᅇᅇke. <sup>4</sup>Na ye raan lueel ka ᅇic Nhialic, ku acī lōᅇᅇken cī lek kōc thek, ke lueth yen aye lueel ku akuc kāk ë yith tēnē Nhialic. <sup>5</sup>Ku raan luui kē cī Nhialic lueel, ke nhiērde acī thok bī kaᅇ dak tēnē Nhialic. Ee kēya, kēn yo nyuōth lōn ye yok tōk kek Nhialic akīn, <sup>6</sup>na ye raan lueel ka cī yeyic mat ke Nhialic, ka dhil a luui cimēn wāar ye Jethu luui.

## Lõn Yam

<sup>7</sup> Ke week kockien nhiaar, wet gät tēnē we acie lõn yam. Ee lõn tõn ʒon cāk piŋ ʒon jock wek met tēnē Jethu. <sup>8</sup> Kēya, lõn gät we kēnē ala yic wet ē yam, rin dhël cī Jethu piir thīn aci nyuõth ʒo wet ē yen yam, ku aye pierdun nyuõth aya lõn yen lõn yam rin käreec aaci dhuk piny, rin ruel Nhialic aci nyuõth.

<sup>9</sup> Na le raan ye lueel lõn luui yen ruel Nhialic yic, ku ē kam awēn, ke man raan cī gam, ke raan kēnē aŋot ræer muõth yic agut emēn. <sup>10</sup> Koc ē koc cī gam nhiaar kek aa koc pīr ruel Nhialic yic, ku abi ke cōl acin kēreec loikē. <sup>11</sup> Ku kuat raan man raan cī gam, acit raan tō muõth yic kuc ten le yen thīn. Rin cī muõth ye cōl acii piny tiŋ.

<sup>12</sup> Wek koc cit miethkie, wek aa gät athör kēnē, rin aŋicku Nhialic aci käreec päl piny tēnē we, rin Raan cī lõc ku dōc.

<sup>13</sup> Wek koc we kōŋ gam, wek aa gät, rin wek aa ŋic raan tō thīn theer ke piny kēc cak.

Wek koc puoc gam, ʒen aget tēnē we rin cī wek jōŋrac göök.

<sup>14</sup> Wek aa koc cit miethkie, wek aa gät wēlkä rin cī wek aa koc cī Nhialic Wäda ŋic.

Wek koc we kōŋ gam, wek aa gät rin wek aa ŋic raan tō thīn theer ke piny kēc cak.

Wek koc we puoc gam, wek aa gät ē rin cī wek wet Jethu gam apei, ku bi wet Nhialic arēer wepuõth akōlakōl, ku week aaci jōŋrac göök.

## Duõkkē kāk pinyhom ye nhiaar

<sup>15</sup> Duõkkē ke ye nhiaar dhöl koc rec pīr tō pinyhom, duõkkē ke ye nhiaar kāk pinyhom. Rin raan nhiaar kāk tō pinyhom, acii lēu bi Wäda Nhialic nhiaar aya. <sup>16</sup> Dhöl rec koc tō pinyhom cit emēn ye koc luui kē nhiarkē wickē, ku yekē nhiaar kē cik tiŋ, ku yekē nhiam kajuēc tō tēnē ke. Dhölkä aa dhöl pīr pinyhom. Aacie ben tēnē Nhialic Wäda. <sup>17</sup> Piny kēnē aya, aci Nhialic jock bi rac kek kocken nhiaar ye, ku raan kē wic Nhialic looi ē pīr akōlriēc ebēn.

## Raan ater Raan cī lõc ku dōc

<sup>18</sup> Miethkie, thök ē piny aci thiök. Acuk lek we theer lõn bi raan ater Raan cī lõc ku dōc tic. Acäk tiŋ koc ater Raan cī lõc ku dōc juēc aaci tuöl. Wet kēnē, aye nyuõth ē yic lõn cī thök piny thiök. <sup>19</sup> Kockä, aake reer ke ʒo ē tōk, ku aaci jäl emēn. Keek aake kēc kepuõth mät ʒo ē yic alanden, diet aa ŋuõt ke reer kek ʒo. Jäldeñ ē ye nyuõth wet kēc kek kepuõth mät ʒo.

<sup>20</sup> Ku wek aa koc ye Nhialic Weike tääu wepuõth, ku kēya, yen aci wek kāk yith ŋic wedhie. <sup>21</sup> Yen acii get tēnē we rin ye ʒen ye lueel lõn cii wek yic Nhialic ŋic. Yen aget tēnē we rin wek aa ŋic yiny ē Nhialic. Ku rin ŋic wek ye acin luenh tō yiny ē Nhialic yic.

<sup>22</sup> Ye raan yindē yen alueeth? Ee raan ye lueel, Jethu acie yen Raan cī lõc ku dōc. Raan cit kēnē, ee raan ater Raan cī lõc ku dōc, ku ē Nhialic Wäda kek Jethu Wēnde kek aaci yen ke kuc. <sup>23</sup> Na le raan tõn kuc lõn cii Jethu ye Wēn Nhialic ka ril yic apei tēnē ē raan kēnē bi mat kek Nhialic Wäda. Ku na cī gam lõn ye Jethu Wēn Nhialic, ka bi mat kek Nhialic Wäda.

<sup>24</sup> Yakē wet Nhialic wäär yen cāk gam muk wepuõth akōlakōl. Na muõkkē wet wäär cī lek we wäär met wek röt Jethu, ke wek aabi pīr ke we ye tōk kek Jethu ku Nhialic Wäda. <sup>25</sup> Ke ʒook aabi pīr akōlriēc ebēn pan Nhialic cī Jethu ʒo thōn bi yiäk ʒo.

<sup>26</sup> Wek aa gät rin wet koc we them bik we muör. <sup>27</sup> Ku week aaci Jethu yiäk Wēi Nhialic, ku rin rēer Weike ke we, ke wek aacii ben wic raan det piöoc we. Ku Wēi Nhialic ē we piöoc kēriēc ebēn, ku piöoc we yiny cīn yic lueth. Kēya, wek aaya yöök bāk aa mat ke Jethu tēcit te cī Wēi Nhialic we lek thīn.

## Mith ē Nhialic

<sup>28</sup> Wek aaya yöök aya miethkie, bāk aa rēer ke we met kek Jethu. Rin na ben la ben pinyhom, ke ʒook aacii gup bi riöoc buk rōm kek ye.

<sup>29</sup> Ee kēya, cit mēn ŋic wek ye lõn le Raan cī lõc ku dōc cök. Kēya, aŋieckē aya na ye raan kē la cök looi, ka cī ya manh ē Nhialic.

**3** <sup>1</sup> Takkē wenhiim yen kē cī Wäda Nhialic luõi ʒo rin nhierden reer kek ʒo, ee kē nhieer yen ʒo apei, abi ʒook cōl aaye miethke, ku ē yic alanden ʒok aaci ya miethke. Ku wet kuc thān pinyhom ye, lõn ye ʒok mith Nhialic, ee rin kuc kek Nhialic. <sup>2</sup> Wek kockien nhiaar emēn, ʒok aaci ya mith Nhialic. Ku aŋot kucku te bi ʒok yiendē thīn aköldä. Ku yeen aŋicku, te le Raan cī lõc ku dōc dhuk pinyhom, ke ʒok aabi ciet ye,

rin abuk tiņ ē yic, ye yen ŋa. <sup>3</sup> Ku week, raan ye ŋöõth lön bī yen ciet Jethu, ka dhil yeguöp wuöõny wei adumuöömke bī rēer ke la wic, cīmēn Raan cī lōc ku dōc cie adumuööm ye looi.

<sup>4</sup> Kuat raan la tueņ ke loi awuöc Nhialic nyin, ee Nhialic ku löõņke kek aaye dhöl yiic. <sup>5</sup> Anjeckē, kēn bīi Raan cī lōc ku dōc pinyhom, ee lön bī adumuöömku ben wuöõny wei yögup, ku yen nhom acie adumuööm ē looi acīn.

<sup>6</sup> Kēya, te cī raan rot mat kek Jethu, ka cīi adumuööm looi akōlakōl, ku raan adumuööm looi akōlakōl aye nyuöõth lön kuc yen Raan cī lōc ku dōc alanden.

<sup>7</sup> Wek miethkie, tiērkē nhīim, bī cien raan ruēny we. Raan ye looi ē kēpath ala cōk cīmēn le Raan cī lōc ku dōc cōk. <sup>8</sup> Ku raan awuöc looi akōlakōl ē raan jōņrac, rin jōņrac acā awuöc looi tewäär ciek ē piny. Ku Wēn Nhialic acī ben pinyhom bī kē cī jōņrac looi ben rac.

<sup>9</sup> Acīn raan ya manh Nhialic ku ŋot ye luui käreec. Rin pīr Nhialic atō yeguöp. Acie awuöc looi akōlakōl, rin ye yen manh Nhialic.

<sup>10</sup> Ku kēn mīth Nhialic ku mīth jōņrac nyuöõth akīn, kōc cie luui kēpath, ku kōc cie miethakēn ye nhiaar, aacie mīth Nhialic.

#### Nhiarkē röt kamkun

<sup>11</sup> Kēnē yen ē wet cāk piņ nyin yic wäär met wek röt Raan cī lōc ku dōc, lön dhil yok röt aa nhiaar kamkua. <sup>12</sup> Kēya, duökkē röt thōņ raan yōn cōl Kain, raan luui kāk jōņrac cī menh nōk. Yeņō kēn nek menhē? Kēn nek yen menh Abel ē wet ē menh luui kāk la cōk ku yeen ē luui käreec. <sup>13</sup> Kēya, duökkē gei miethakāi te meen kōc ē pinyhom we. <sup>14</sup> Anjicku alanden lön yok aa yō cīt kōc cī thou, ku emēn yok aa rēer pīr akōlriēec ēbēn yic, kēnē ayeku ŋic rin emēn yok anhiar wāmāthakua kōc cī gam. Na ye raan cīi wāmēnhē nhiaar ka ŋot rēer ke cīt raan cī thou. <sup>15</sup> Ku tēnē Nhialic, raan man kōc kōk athōņ kek raan cī raan det nōk, ku anjeckē raan kōc nōk acīn pīr akōlriēec ēbēn pan Nhialic tō kek ye ē yic. <sup>16</sup> Nhier ayeku ŋic kēlä, Jethu acī rot cōl anāk rin bī yen yō waar adumuöömku yiic, aye nyuöõth lön nhieer yen yō. Ku kēya, yook aya yok aa dhil röt cōl anāk rin miethakāi kua.

<sup>17</sup> Kēya, cīmēn na ye raan la kāņ ku tiņ menhē det cīn kāņ ku kueec bī cīi muoc, ka cīi lēu bī lueel lön nhieer yen Nhialic. <sup>18</sup> Wek miethkie acuk bī ya lueel ē path yothook lön nhieer yok röt kamkua, yok aa dhil röt kony kamkua kāk yeku ke looi yiic. <sup>19</sup> Na cīt nhiēr nhieer yok röt ē kēnē, ka buk jal ŋic ayic lön yok aa kōc Nhialic, ku cuk ben aa dieer. <sup>20</sup> Na ye kāk yeku ke looi yō cōl aaye kōc rac, ka dhilku ŋic lön tektek Nhialic awār tāktākda, anjic kēriēec ēbēn ē cōk.

<sup>21</sup> Wek kackie, na cīi kāk yeku ke tak ye lek yō lön ye yok kōc rac, ke yok aacīi gup bī ya riöc te röök yok tēnē Nhialic. <sup>22</sup> Ku abī yō gām kuat kāk cuk thiēec, rin ē kē cī lueel yen ayeku looi. Ku yok aa pīr dhēlden miet puōu yic. <sup>23</sup> Kē cī Nhialic lek yō ē lön buk la gam tēnē Wēnde Jethu Krītho, ku yok aa dhil röt nhiaar kamkua, cīt tewäär cī yen ye lek yō thīn.

<sup>24</sup> Kuat raan loi kē wic Nhialic acī rot mat kek Nhialic, ku Nhialic ē rēer kek ye. Ku te ye yok ye ŋiec thīn lön cī Nhialic rot māt yō, ee Weiken cī gam yō.

#### Wēi yic ku wēi lueth

**4** <sup>1</sup> Wek kōckien nhiaar duökkē wet raan ye lueel lön le yen ke wēi ē guō gam, kaņkē wetde tak yic apath bāk ŋic lön tō Wēi Nhialic yeguöp alanden, rin cī alueth kāņ tiņ thiēi pinyhom ēbēn. <sup>2</sup> Te lēu bī yīn raan rēer kek Wēi Nhialic ŋiec thīn akīn. Ee raan ye lueel lön Jethu Krītho acī ben pinyhom ke cīt raan, Wēi Nhialic arēer kek ye.

<sup>3</sup> Kuat raan kuc kākā acīi rēer kek Wēi Nhialic, ee riel jōņ ater Raan cī lōc ku dōc yen arēer kek ye. Yen wäär cāk piņ lön bī yen ben, acī ben, arēer pinyhom emēn.

<sup>4</sup> Ku wek miethkie, wek aa kōc Nhialic, ku wek aacīi jai piöc ē kōckā. Wek aacīi jai piöc käreec rin rēer Wēi Nhialic kek we, ku yen aril tēnē jōņrac yen mac kōc kuc Nhialic pinyhom. <sup>5</sup> Aluethkā aa kuc Nhialic. Kāk yekē ke lueel aa kāk ye kōc kuc Nhialic ke lueel. Ku kōc kuc Nhialic aa wetden gam. <sup>6</sup> Ke yook kōc cī gam yok aa kōc Nhialic. Ku kuat raan ŋic Nhialic ē piöcda gam, ku kōc kuc Nhialic aacie piöcda ye gam. Ku ē yen te ye yok kōc rēer Wēi Nhialic kegup ŋiec thīn, ku kōc rēer jōņrac kōc ruēny kegup.

#### Nhialic ee Nhier

<sup>7</sup> Ke week kōckien nhiaar, yeku röt nhiaar ē kamkua, rin ē Nhialic yen yō cōl anhiar kōc kōk. Kuat raan kōc kōk nhiaar, aye nyuöõth wet ē yen manh Nhialic ē yic ku anjic Nhialic. <sup>8</sup> Ku raan cīi kōc kōk ye nhiaar akuc

Nhialic, rin Nhialic ë nhiër. <sup>9</sup> Ku Nhialic aci nhiërde nyuõth yo rin aci Wenden tök col abö pinyhom ë ten, rin buk pîr alanden ë rienke. <sup>10</sup> Nhier ë yic acie wet bî yok Nhialic nhiaar, ee lon nhieer Nhialic yo, ku kënë yen aci yen Wende tuõc ë pinyhom bî ben thou rin bî adumuõmkua päl piny. <sup>11</sup> Ke wek kackie, na ye Nhialic kë nhiaar yo apei këlä, ke cie yic buk röt aa nhiaar kamkua?

<sup>12</sup> Acin raan cî Nhialic kañ tîj, ku na nhiarku röt kamkua ke Nhialic abî ya mat kek yo, ku nhiërde abî rot a luõi yo tecit te wic ye. <sup>13</sup> Yok aaci Nhialic yiëk Weike, ku buk aa ñic këya lon cî yok aa tök kek ye, ku yeen ë tök kek yo.

<sup>14</sup> Ku acuk tîj, ku yen ayeku lek koc aya, lon cî Nhialic Wäda Wende tuõc pinyhom bî raan ëbën ben luõk. <sup>15</sup> Na ye raan lueel lon ye Jethu Wën Nhialic, ke Nhialic aci mat kek ye ku aci mat kek Nhialic. <sup>16</sup> Ku nhiërde tënë yo acuk ñic ku gamku.

Nhialic ee nhiër. Ku na ye raan Nhialic nhiaar ku koc kök, ka cî mat kek Nhialic, ku met Nhialic kek ye. <sup>17</sup> Nhierda ë la cök te cîi yok gup ye riõc aköl luñdit, rin yok aa pîr pinyhom tecit tewäär pîir Jethu thîn.

<sup>18</sup> Kuat raan tö nhiër yepuõu acin kë ye yen riõc. Rin nhiër ë yic, ee riõc cuõp wei. Koc aa riõc te ye kek ye tak lon bî ke tem awuõc, ku raan ë riõc acîi nhiërde la cök.

<sup>19</sup> Kënë yo yiëk riel buk Nhialic nhiaar ku koc kök, ee rin cî yen yo kañ nhiaar. <sup>20</sup> Ku na le raan ye lueel ka nhiaar Nhialic, ku ë kam awën ke man menhkën cî gam, ke raan kënë ë lueth yen aye lueel. Rin acîi lëu bî raan Nhialic nhiaar, Nhialic këc kañ tîj, ku cîi raan nhiaar, raan ye tîj akölaköl. <sup>21</sup> Ke yook, yok aa dhil koc nhiaar aya, rin yen kë cî Nhialic lek yo buk aa looi. Acî lueel kuat raan nhiaar Nhialic adhil koc nhiaar aya.

### Gam tënë Manh ë Nhialic

**5** <sup>1</sup> Kuat raan ye gam lon Jethu yen ë Raan cî loc ku doc, ke raan kënë ë manh Nhialic. Ku na yeku nhiaar raan yen Wäda, ke yook aa dhil miethke nhiaar aya.

<sup>2</sup> Ayeku ñic alanden lon nhieer yok mith ë Nhialic, te nhieer yok Nhialic ku yeku looi kuat kë ye lek yo buk looi.

<sup>3</sup> Yen ë jam këlä, rin na nhiarku Nhialic ayic, ke yok aa dhil käk cî lek yo looi. Käkka aacîi yiic ril buk ke looi. <sup>4</sup> Rin kuat manh Nhialic ala riel bî kuc dhöl koc kuc Nhialic, ku alëuku buk looi rin cî yok la gam tënë Jethu. <sup>5</sup> Acin raan det la riel bî kuc dhöl koc kuc Nhialic, aa koc la gam tënë Jethu kapec lon ye yen Wën Nhialic.

<sup>6</sup> Ee yeen Jethu Kritho, yen aci ben pinyhom, ku yeen aci Joon raan koc muõc nhîim ben muõc nom ë pîu. Acie miõc nom yen cî rot looi ë rot, yeen aci ben nõk rienkua. Ku aye Wëi Nhialic nyuõth yook lon ye wëlkä yith. Rin Wëi Nhialic yen ë koc nyuõth kën yic akölaköl. <sup>7</sup> Ala kãñ kadiäk ye nyuõth yo ye Jethu ña.

<sup>8</sup> Käkka kadiäk, Wëi Nhialic, miõc ë nom, ku nääkde, keek kadiäk ëbën ë tök yen ayekë nyuõth.

<sup>9</sup> Na ye koc jam käk cik tîj ku gamku wet luelkë, yeñö cîi yok käk cî Nhialic nyuõth yookkä ye gam? Aa dhil ë gam, rin käk ye Nhialic ke lueel aa dit apei tënë käk ye raan ke lueel, ku wet jieem yen kënë, ee Wende yen aye yen jam tënë yo. <sup>10</sup> Këya, na ye raan cî gam, ka dhiel ñic ë cök lon ye Jethu Wën Nhialic, ku adhil ñic alanden lon käk cî Nhialic nyuõthkã aa yith. Ku raan cie kë cî Nhialic lueel ye gam, ka ye lueel lon ye Nhialic alueeth. Rin akëc wet cî Nhialic lueel rin Wende gam. <sup>11</sup> Kënë ye col anjicku lon kë cî Nhialic lek yo ë yic, ee rin cî yen yo yiëk pîr akölrîëc. Ku pîr kënë ayeku yok tënë Wende. <sup>12</sup> Ee këya, kuat raan cî mat kek Wende ka bî pîr akölrîëc yok. Ku raan cî jai Wën Nhialic, ka cîi pîr akölrîëc ëbën bî kañ yok.

### Thök ë wël

<sup>13</sup> Wek aa gät, wek koc cî riel Jethu gam, ke ye Wën Nhialic ku bäk ñic lon le wek pîr akölrîëc ëbën.

<sup>14</sup> Ku ë këya, acin kë lëu bî yo riääc gup te ye yok Nhialic door, rin kuat kë buk aa thiëc ye, kën ye miëet puõu abuk ya yok.

<sup>15</sup> Ke week tecit te ñicku ye, akëc kañ kuc kë wicku. Yeku thiëc kë wicku, ku ñicku lon bî yen ye gãm yo.

<sup>16</sup> Ke yeen, na tîj raan menhkën cî gam ke looi awuõc, awuõc ë dhie cie raan ë tek bei tënë Nhialic akölrîëc ëbën, ka dhil röök tënë Nhialic bî raan kony. Ku Nhialic abî pîr ë raan col ala cök. Ala adumuõm raan tek bei tënë Nhialic akölrîëc. Ku yen acîi jam bäk aa röök rin adumuõmke. <sup>17</sup> Kärec ye looi ëbën, adumuõm, ku ala adumuõm kök cie koc ye tek wei tënë Nhialic akölrîëc ëbën.

<sup>18</sup> Anjicku lon raan cî ya manh Nhialic acie awuõc ë looi akölaköl, aye Jethu Wën ë Nhialic tiit guõp, acîi jõñrac ye muõr acin.

<sup>19</sup> Anjicku lon ye yok mith ë Nhialic, ku lon yen jõñrac yen mac koc kuc Nhialic. <sup>20</sup> Anjicku aya lon Wën Nhialic aci ben pinyhom ë ten. Ku ë yen aci yo col anjic Nhialic ë yic, yen aci yo col amat yoyiic kek

Nhialic, ee rin cī yok mat kek Wēnde Jethu Krītho. Acin Nhialic dēt ee Nhialic tōj. Ee yeen ē rot yen ē pīr akōlriēc ēbēn bēei. <sup>21</sup> Ke week miethkie tiēerkē nhīm bāk piöoc rac cīi gam.